



1817

I

Mag. St. Dr.

P

I.D. Solikowski
M. LVTHERI
TRIUMPHVS

Cracoviae 1604

V E R V S
MARTINI LVTHERI
T R I V M P H V S.

*Contra Thraſonicum eiusdem Triumphum, à quo-
dam Lutherano confictum, Anno Domini,
Milleſimo, Quingentefimo, Sexage-
ſimo Octauo.*

Ab Illuſtriſ: & Reuerendiſ: piæ memoriæ
IOANNE DEMETRIO SOLIKOWSKI,
Archiepiſcopo Leopoliē, olim conſcri-
ptus, nunc verò in lucem editus.

*Opera & ſtudio MATTHIÆ SISINII, S. Theologiæ
Doctōriſ, C. S.*

Memoria iuſti cum laudibus, & nomen impiorum putreſcet. Prouerb: x.

CRACOVIAE,
In Officina Andreæ Petricouij.
Anno Domini, 1604.

IN ARMA

Illustris & Reuerendiss : Dñi,
D. SIMONIS RVDNICKI,
Maioris Regni Secretarij, Custodis Gnesneñ,
Canonici Cracouięñ, &c.&c.



1817

*Quid geminata notat celeri crux tecta sagitta?
Maiorum robur cum pietate simul.
Iuuerunt illi Patria rem grandibus ausis,
Hos inter pulchra tu pietate nites.*



ILLVSTRI ET REVERENDIS: DOMINO,
D. SIMONI RVDNICKI,
REGNI SECRETARIO MAIO-
RI, CVSTODI GNESNENSI,
CANONICO CRACOVIE. &c.&c.
Domino colendissimo.

MATTHIAS SISINIUS, S. Theol. Doctor, Felicitatem.

ANNVS iam sextus & trigesimus la-
bitur Ill. & Rndis: Dñe, cum qui-
dam è ludo & officina Martini Lu-
theri, non minùs fastuosum quàm
fallum præceptoris sui maximi impostoris, ob ne-
scio quæ ipsius in Rempub. Christianam merita,
triumphum conscripsit, & in lucem edidit. Nam
quis vnquam improbissimi & periurissimi illius
Apostatæ triumphus verus esse potuit? quæ ille
pro bono communi bella suscepit? quæ spolia ex
hostibus Reipub. Christianæ retulit? Meruit equi-
dem Martinus Lutherus, sed non de Christi Ec-
clesia, cuius auctoritatem contempsit, vnitatem
laceravit, pacem turbavit, ritus & ceremonias
irrisit,

irrisit, leges conculcavit, Sacramenta alia explo-
sit, alia mutauit. Meruit, sed non de ciuitatibus
& Rebus publicis Christianis, in quarum plerasq;
horribilem & execrandam confusionem atque
ἀλαξίαν inuexit: non de Regibus & Principibus
Catholicis, quos potestate, nō temerē, non à dia-
bolo, vt ipse iactabat, sed Dei prouidentia, vt ait
S. Irenæus, ordinata, quantum in se erat, spolia-
uit: non de aliis quibuscunq; Magistratibus, qui-
bus gladium diuinitus datum ad vindictam ma-
lorum, laudem verò bonorum, ausus est de mani-
bus extorquere: non de subiectis populis, quos
Dominorum suorum ceruicibus imposuit, & in
funestā aciem aduersus eos iteratò adduxit. Me-
ruit ille, at non de Sanctorum hominum in cœ-
lo iam vitam beatam agentium ordinibus, quos
inde omnibus linguæ suæ telis conatus est extur-
bare: non de ipsorum & nostro capite Christo
IESU vero Dei Filio, cuius corpus & omnia ipsi-
us membra indignissimè tractauit. Quid ergo?
meruit perfidus Apostata, de patre omnis mēda-
cij Sathana, cum quo multos modios salis come-
dit, cuius gregi multa millia animarum addixit.
Suscepit certamen, pro improbitate, contra vir-
tutem:

tutem : pro licentia & impunitate, contra legum
disciplinam : pro carne, contra spiritum : pro fal-
sitate, contra veritatem : pro noua & inani fidu-
cia, contra antiquam & solidā à Christo & Apo-
stolis ad nos vsq; propagatam fidem. Vicit insa-
nus ille Saxo, pudorem, libidine : Dei hominūq;
timorem, audacia : rationem, amentia : honesta-
tem, turpitudine : pietatem, scelere : constantiā,
furore : æquitatem, temperantiam, fortitudinem,
prudentiam, virtutes omnes, iniquitate, luxuria,
ignauia, temeritate, vitiis omnibus. His mon-
strum illud informe beneficiis societatem huma-
nam affecit, huiusmodi prælia & certamina su-
scepit : attamen tanquam re bene & feliciter ge-
sta, perditus homo pleno ore impuri veteratoris
in cælum fertur. Non tulit hanc tantam impu-
dentiam magnū illud Leopoliē Ecclesię lumen,
IOANNES DEMETRIVS SOLIKOWSKI, pro
eo ac erat iniuriarum Christi & Ecclesię zelator
admirabilis, qui interea dum iste triumphat, Re-
giomonti Borussiae negotia patriæ sibi cōmissa
curabat. itaque adolescens annos octo & viginti
circiter natus, non tam pòético quàm diuino
percitus spiritu, illi ex mendaciis conflato trium-

pho verum opposuit. Cæterum, vt erat modestissimi semper ingenij, operam hanc suam celabat. Ego verò, illo ex mortalitate ad immortalitatem sublato, cùm in versus tam elegantes, tam perpolitos, tam graues & vtilis incidissem, tantum in illa ætate magni illius Antistitis pro domo Dei zelum admiratus, statim ab iis in quorū erant potestate petij, vt mihi eos in publicum proferre liceret. Quare annuentibus atq; concedentibus ipsis, mittuntur à me, aut potius suapte sponte prodeunt in conspectū tuum Ill. & Rñdis: Dñe. Libertatē adeundi fecit magna in primis scriptoris auctoritas, tum eiusdem non mediocris tecū morum & studiorum similitudo, & arcta, quæ inde coaluit, animi coniunctio, atq; insignis tua erga virtutis & literarum alumnos propētio. Ac vir quidem ille, cuius versus ad te veniunt, qualis quātusq; fuerit, testis sit hæc amplissima Rēpub. cui quatuor & viginti legationibus ad externos & potentissimos Reges atq; Principes obitis, industriam, fidem, prudētiam, cæterasq; diuinas animi dotes, luculenter probauit; quam non tātum suis atque suorum fortunis omnibus, sed vita etiam ipsa cariorem semper habebat. Cum hoc tanto viro

to viro, non oris & vultus, sed vitæ & actionum
permagna tibi similitudo fuit. Etenim eorū tri-
um officiorū, quæ tu vnus nō minori fide, quàm
dexteritate nunc administras, vnum ille quon-
dam pari laude sustinuit. Semper ille iam inde à
prima ætate, in actu & labore; quodq; sibi à Pon-
tificiis Senatoriisq; functionibus superabat otii,
totum id aut diuinarum rerum contemplationi,
aut lectioni, aut scriptioni tribuebat; tu verò,
amplius iam quàm viginti annos, in magnis Re-
gum & Reipub. negotiis strenuè duras. Non ille
mercedē nisi sempiternā pro laboribus suis, fide-
liter pro Repub. exatlatis quærebat: hæc eadem
apud te pro aurea messe nunquā est habita. Non
iustificabat ille impiū pro muneribus, nec iustitiā
iusti auferebat ab eo: & tibi hāc laudem quis au-
deat aut possit iure merito detrahare? Reddide-
rat ille se omnibus humanitate & comitate per-
petua iucundū, sanctitate vitę & pietate non mi-
nus venerandū: & tu eisdem virtutibus quotidie
te ipsum superas. Misericordia & beneficētia er-
ga indigentes tam effusa fuit, vt credibile mihi
quidē videatur, mediocres ipsius redditus ad vsum
tātæ liberalitatis, diuinitus, vt aliquando farina &
oleum

oleum illud Sarepthanæ viduæ, auctos interdum
fuisse: sed & tu nunquam munificam manū sub-
trahis ab inope. quis enim tuam vnquam opē im-
plorauit & tristis discessit? Virtutē ille & doctri-
nam, in iis etiam quos nunquam viderat amabat,
quos autem præsentēs habebat mirificè comple-
tebatur & ornabat, eorumq; cōsuetudine nihil
illi fuit iucundius: & tu istius laudis cum ipso so-
cietatem habes. Probant id vbertim multi opti-
mi & doctissimi viri, quos vnicè diligis; probauit
& ego literarū amicus, cui tu ante annos aliquot,
cū in aula magni illius & immortalis memoria
atq; prædicatione digni Cardinalis RADZIVILI
adoleſcentiam meam agerem, varia humanitatis
& bonæ gratiæ argumenta affatim exhibuisti.
En quàm dulcis vestrarum vtriusq; virtutū har-
monia, quàm iucundus morum cōcentus, quàm
concinna in omnibus vitæ similitudo. Ex hac
nimirum emanauit tanta inter vos mutua volun-
tatum cōſensio. Et tu quidem quo studio & vo-
luntate erga virum illum fueris, liquet ex eo affe-
ctu, quem consanguineis ipsius etiam nunc qua-
uis data occasione clarè testaris. ille autem exi-
miis animi tui dotibus ita affectus fuit, vt tibi
post fa-

post fata sua, eius in qua vigilantissimè sedebat
Cathedræ, nisi aliò Deus vocaret, toto animo
exoptauerit successione. Eius igitur tam ma-
gni, tamq; magna tibi necessitudine coniuncti
viri versus ab ingenti erga religionem Christia-
nam profectos affectu, quorum veritatem egre-
gius nostri æui scriptor Laurentius Surius cōpro-
bat, accipe quæso Ill. & Rñdis: Dñe, illo quo sem-
per fueras erga superstitem animo; placeant, non
quia à me oblatis, sed quia à tanto viro elucubrati.
Solent talium etiam minutula quæq; monumen-
ta, magni esse apud æquos æstimatores momēti.
Hinc Protei Philosophi baculum talento, & Epi-
cteti Stoici fictilem lucernā, ter mille drachmis,
venisse accepimus. Sed non est quòd multis ope-
rā admirandi illius senis apud te prædicē: satis est
dixisse, ipse scripsit: cui Dominus iustus iudex la-
bores omnes pro Ecclesia sua susceptos, præmiis
cōpenset sempiternis: tibi verò annū hunc quem
ingressi sumus, felicem esse velit, aliosq; conse-
quentes quàm plurimos ex voto proro-
get. Crac. 4. Non: Ianuarij.

Anno Domini, 1604.

A D M A N E S
ILLVSTRISS: AC REVERENDISS:
IOANNIS DEMETRII SOLIKOWSKI
Archiepiscopi Leopoliē.

D E M E T R I S O L I C O V I O R V M o c e l l e ,
*Quàm ciuis Patrię bonus fuisti,
Agnoscit reor orba. quàm Senator
Prudens, Veridicusq̃, diligensq̃,
Libertatis, honoris, ac honesti,
Priuato integer à cupidine, ipsis
Contentus meritis, perenniumq̃,
Spe post Ultima fata premiorum;
Agnoscunt, quibus haud vorat malignum
Pectus liuor, & approbant probanda.
Quàm verbis bonus actibusq̃ pastor
Commisti gregis, ipse si negarit,
At muti lapides pro eo loquentur.
Quàm diues sapientię, ingeniq̃,
Testantur tua multa scripta abundè,
Nec ornata minùs, nimisq̃ docta.
Ast quàm VIR BONVS ET PROBVS fuisti,
Et quantus tibi cor coquebat imum
Zelus, religione pro vetusta,
Hi pandunt satis vsquequaque versus;
Legendi, & quibus allubescit ille
Quinti Euangelii architectus, atrox
Nostri cui macula ac lues Lutherus.* M. S.

V E R V S MARTINI LUTHERI T R I V M P H V S.

Contra Thraſonicum eiufdem triumphum, à
quodam Lutherano confictum, Anno Mil-
leſimo, quingentefimo, ſexageſimo
octauo.

Ergo Triumphator ruruſum reuocaris ab Orco,
Nec tua crasse filet rabies poſt fata Luthere, Libido.
Qua quondam libuit terras cœlumq; profundum,
Propter inaudita miſcere libidinis æſtus?

Ergo triumphas?

Quòd violare fidem Monachi votumq; licebat,
Nec te maieſtas legum, nec Numinis horror,
Nec Patrum integritas, numerus, concordia mouit,
Quin contra faceres hæc omnia turpiter audax.

Votum
fractum.

Ergo triumphas?

Quòd pax quam multis, felix Eccleſia, ſeculis
Obtinuit, cultuq; Dei concorditer uſa,
Eſt manibus concerpta tuis lacerataq; dente,
Et iam feciſti plena ſeditionum.

Pax Eccle
ſiæ rupta.

Ergo triumphas?

B

Quòd

Confusio
inuenta.

Quòd per te inuecta est plusquam Babylonica rerum
Colluies, miseriq; grauis confusio secli;
Non iam discrimen rerum, non amplius ordo
Ullus adest, sed triste chaos tetrumq; barathrum.

Ergo triumphas?

Germania
bellis ar-
dens.

Quòdq; potens opibus per te Germania vires
Amisit malesana suas, dum bella cruento
Marte cient crudi fraterna in viscera fratres;
Jamq; propè hæc orbem vastant incendia totum.

Ergo triumphas?

Rustici
rebelles.

Quòd per te atque tuos gens rustica facta rebellis
Principibus propriis, furiosa assumpserat arma,
Et bis pro meritis, meritis cum auctoribus, ultra
Quàm spes omnis erat, miseranda strage perempta est.

Ergo triumphas?

Duces re-
belles.

Quòdq; duces Aquilis, sceptro imperijq; rebelles,
More Giganteo mouerunt irrita magno
Bella Ioui; quos, ut melior sententia, vicit,
Vicerunt Aquila, victos vinctosq; tenebant.

Ergo triumphas?

Gallia ci-
uili bello
propè ec-
clesia.

Gallia inundauit quòd multo sanguine, quondam
Regnum opibus florens, quòd tot perière nefando
Ense sacerdotes, sed & unus imagine Christi
Anulsa, in furca moritur crucifixus eadem.

Ergo triumphas?

Quòd

Quòd qui connixus sumptis dux Condeus armis
Regi inferre suo bellum, fanisq; profanas
Sacrilegasq; manus, magna nunc clade suorum
Accepta, casus nigri tenet atria Ditis.

Condeus
occisus.

Ergo triumphas?

Anglia te nouit, toto hîc celebraberis æuo,
Rex ibi, luce tua plenus, de coniuge sumpsit
Supplicium; delubra Dei spoliata, sacriq;
Pontifices Getico & Monachi moriuntur ab ense.

Anglica
æz cædes.

Ergo triumphas?

Quòd sacra templa ruunt conuulsa à sedibus imis,
Et tres Prussiæ in proprium quoq; nequiter vrbes
Uno penè die ceperunt arma Senatum,
Post penas mota de seditione dederunt.

Templorum euer-
sio, sedi-
tio Prus-
sica.

Ergo triumphas?

Scotica quòd proprium Regem plebs carcere fædo
Multis ante modis, veteri pro relligione,
Indignè affectum, clausit, Flandriq; feroces
Necquicquam in magnum conspirauere Philippum.

Seditio
Scotica
bella Flan-
dria.

Ergo triumphas?

Quòd per te pietas, reuerentia, cura pudoris
Virginei cecidit, vitiis certare decorum est,
Qui verè velit esse pius simulare putatur:
Sic Athei sunt penè tuo de dogmate nati.

Virtutum
Christia-
narum in-
genua.

Ergo triumphas?

Licentia. Quòd, per te infelix, fœcunda licentia creuit,
Atque omni scelerum generi patefacta fenestra est.
Ut nèque barbaries iam sit tam barbara, quam n
Exuperes gradibus multis monstrofe Luthere.

Ergo triumphas?

*Discipli-
na laxata.* Regula quòd per te morum vitæq; magistra,
Sanctorum Patrum bona disciplina repulsa est;
Illa pios fidosq; Deo in statione tenebat,
Illa malos frugem ad meliorem sæpè vocabat.

Ergo triumphas?

*Dilectio
relinctâ.* Quòd per te Christo fidi dilectio catus
Refrixit, magni iussu retinenda Magistri,
Ut tibi nulla fuit (quoniam tibi si qua fuisset
Non nos desereres) sic & te nulla sequutis.

Ergo triumphas?

*In certa-
mine de
Missâ vi-
ctus Lu-
therus à
Sathana.* Quòd dum cum Sathana tibi res fuit, ipse fateris,
De Missâ, victus rationibus illius, ipsam
Deseris, utque tibi poterat nil dicere veri,
Vincere quem tu non poteras, te vicerat ille.

Ergo triumphas?

*Vnitas
dissipata.* Unus si Deus est, sique vnus Filius eius,
Spiritus amborum vnus, si vna Ecclesia, si vnum
Est verbum, vna fides, quæ te vesania mouit,
Ut tu eadem solus partes in mille secares?

Ergo triumphas?

An quia

An quia viuenti spargentiq; ore venena
Credidimus nunquam, credis post impia fata
Quòd tibi credemus? nunquam persuaseris ulli,
Mortuus ut plus iam possis quàm in corpore viuus.

Ergo triumphas?

Quòd per te varij variisq; erroribus acti,
Tecum & secum discordes, putredine nati
Visceribusq; tuis, consurrexere Prophetae;
Et iam se meritò partes in mille secarunt.

Ergo triumphas?

Ante Euangelium quintum quòd Turca remotus
Anobis fuerat longis regionibus, at nunc
Post istud verbum nostro vicinior orbi,
Viscereq; in nostro propè iam sua castra locauit.

Ergo triumphas?

Quòd tua tot fructus peperit monstrosa libido,
Carnea religio, pietas atq; ebria, quot nunc
Non oculis tantum capimus, sed penè tenemus
Jam plenis manibus, tot scandala, damna, ruinas.

Ergo triumphas?

Ergo triumphator qualis sit discite Lutherus,
Ex hoc, qui ad vinum illustrat sua facta, triumpho:
Ut nihil is viuus fuerat quàm lurida pestis
Mundi infelicis, toti sic mortuus orbi

Soboles
Lutheri
discord.

Turca
propin-
quat.

Carnea
religio.

Perge.

Per genitos post se quid contulit ille prophetas,
 Clariùs est quàm quod multis exponere verbis
 Id sit opus. Vafri Sathane cognoscite quaso
 Insidias, teretesq; plagas, scopulosq; latentes,
 Propositumq; scopum. Non nos maledicimus ulli,
 Sed verum semper vobis prædicimus, atque
 Hac tanta iactura animarum ex corde dolemus.
 Nil nisi vera caro, nil est nisi fator in illis,
 Nil nisi spurcicies, furor, execranda tyrannis,
 Qui semel auulsi sunt vno à corpore Christi.
 Ergo Christicola si qua vos cura salutis
 Distinet, obsecro & moneo, maneat in vno
 Sub pastore vno, quod & ipse gubernat, ouili.

Ad Lutherum & Lutheranos Apostrophe.

Sentisne gloriose
 Athleta, de tenacis
 Orci abdito recessu,
 Dignū hūc tuis triumphū
 Ausisq; præliisq;
 Videsne damna per te
 Immissa Christiano
 Orbi? Vides, dolesq;
 Sed irritò atque serò

Nixu: tuis piaculis
 Nulla sat eluendis
 Iam lacrimæ esse possunt.
 At ô misella turba
 Falsi sequax Prophetæ,
 Dum pænitere prodest,
 Ad cor redi, perennem
 Ut agas polo triumphum.

M. S.

Libuit

Libuit hoc loco adiungere duo

quædam his consona Martini Lutheri elogia,

ab ANDREA FRVSI O Societatis

IESV scripta.

De Martini Lutheri vita & morte.

O Felix Martine, tuis ut consona votis
Cuncta cadunt: viuens quod cupis, hoc & habes.
Temporibus nostris vis hæresiarcha timeri,
Peior & antiquis omnibus, hoc & habes.
Ambitione flagrans, sacro nec honore potitus,
Vis auctor fieri schismatis, hoc & habes.
Vis fugere ex humili disiectus Apostata claustro,
Barbaricisq; coli gentibus, hoc & habes.
Ulcisci vis Pontificem, Clerumq; malignis
Prodere spernendum fraudibus, hoc & habes.
Vis ut nulla tibi lex imperet atque potestas,
Sisq; iugo excusso Belial, hoc & habes.
Vis placitos fædæ satiare libidinis astus,
Sacrilegisq; frui nexibus, hoc & habes.
Vis esca potuq; gulam cum ventre repleri,
Tale Dei ac regnum si foret, hoc & habes.
Vis tua ut eructet doctrinam crapula falsam,
Quæ pro lege Dei pullulet, hoc & habes.
Vis sacra, vis sanctos adeo pessundare ritus,
Ut commenta hominum quis putet, hoc & habes.

C

Vis eti-

*Vis etiam in Diuos blasphemias spargere Voces,
Ne sit honos illis debitus, hoc & habes.
Vis credi non esse locum post funera manes
Purgantem, populus ne iuuet, hoc & habes.
Inferni vis esse tamen (sed iam scio nolles)
Supplicium dirum fontibus, hoc & habes.
Infelix Martine tuis nunc dissona votis
Cuncta cadunt; quod vis mortuus, hoc nec habes.
Errores reuocare satos, & crimina velles
Expurgare modis omnibus, hoc nec habes.
Iam non esse Deum velles, aut posse repelli,
Ne te pro meritis puniat, hoc nec habes.
Perpetuis saltem mersum non viuere penis
Atque mori velles, hoc & habes, nec habes.
Et quia plus cruciat, quod vis non posse, perire
Velle tuum velles, hoc & habes, nec habes.
Denique velle tuum ut culpa sic regula pena est,
Quod non vis, & vis: hoc & habes, nec habes.*

In eius Iactantiam.

T*E seruum Domino vocas fidelem,
Qui sponsam illius unicam columbam,
Vita ipsa quoque nempe cariorem,
Ausu contemerare vis nefando?
Te seruum Domino voca infidelem,
Aut hostem magis, atque proditorem,
Quò Iudas minus execrabilis sit.
Sed quo nomine vis fidelis esse?*

An Christo quia gloriam parasse,
Multa fraude videris ampliorem,
Damnatis meritis, piisq; rebus?
Electis quasi pauculis salutem
Inuitis etiam det, atque firmet
Nulla ob crimina prorsus auferendam?
Cunctis at reliquis pyra perennis
Diram constituat necessitatem,
Ut monstret sibi quanta sit potestas?
His Luthere modis Deo atque Christo,
Laudem scilicet addis ampliorem,
Qualem nec sibi vindicauit unquam,
Unquam nec sibi conuenire duxit.
O seruum Domino nimis fidelem.





A. DALEWSKI
INTROLIGATOR
KRAKÓW
Zwierzyniecka 10, I, p

